

Isertitsivinni inissitat ataatsimoorsinnaanerit il.il. pillugit nalunaarut (ataatsimoorsinnaanermik nalunaarut)

Kalaallit Nunaanni pinerluttulerinermik inatsimmi § 203, imm. 4 naapertorlugu, tak. inatsit nr. 306, 30. april 2008-meersoq, aalajangersarneqarpoq:

§ 1. Immikkoortumi matoqqasumi inissitat namminneq inigisaat nal. 21.00 aamma nal. 08.00 akornanni isertitsiviup paarnaarsinnaavai.

Imm. 2. Inissiisarfimmi matoqqasumi ingerlatat ilaanni isetitsiviup akuerisaani napparsimaneq pissutigalugu inissitat suliffiup nalaani suliaqarsinnaanngitsut namminneq inigisaminni imaluunniit inimi innersuussami allami parnaarusimaneqarsinnaapput.

§ 2. Torersuunissaq isumannaatsuunissarlu tunngavigalugu pissusissamisoortut isumannaatsutullu isertitsivimmit isigineqarpat nal. 21.00 aamma nal.08.00 akornanni immikkoortumi matoqqasumi killilimmillu ammasumi inissitat namminneq inigisaannut isertitsiviup parnaarusimasinnaavai.

Imm. 2. Inissiisarfimmi matoqqasumi killilimmillu ammasumi ingerlatat ilaanni isertitsiviup akuerisaani napparsimaneq pissutigalugu inissitat suliaqarsinnaanngitsut suliffiup nalaani namminneq inigisaminni imaluunniit inimi innersuussami allami parnaarusimaneqarsinnaapput.

§ 3. Inissitat inissitaqatimmik ataatsimooqateqarsinnaasut, pissutsit ajornartinnippassuk namminneq inigisatik parnaaqqatissinnaavaat.

Imm. 2. Ininut parnaaqqasunut isertitsivik isersinnaatitaassaaq.

§ 4. Inissitaq inimut kisimiittaarissamut, inimut killisiorneqartarfimmut, inimut nakkutigineqarfimmut imaluunniit inimut isumannaakkamut imaluunniit inissitap inigisaata misissuiffiginerani imaluunniit pissaanermik atuisariaqarnermi pisarialimmik inissinneqarnera pissutigalugu inissitap inigisaa isertitsiviup parnaaqqatissavaa. Torersuunissaq isumannaatsuunissarlu eqqarsaatigalugit pissutsit allat immikkut ittut pisariqartippassuk inissitat namminneq inigisaat isertitsiviup aammattaaq parnaaqqatissinnaavai.

§ 5. Inissitat ataatsimit ikinnerunngitsut inimi ataatsimut ineqarpata aatsaat inissitat tamarmik ini qimassimappassuk, § 3, imm. 1 aamma § 4 malillugit ini paarnaarsimatinneqarsinnaavoq.

§ 6. Isertitsivimmi pissutsit eqqarsaatigalugit aamma init, immikkoortortat inillu allat ataatsimoortarfiit parnaarsimatinnissaat kiisalu isertitsivimmi inissitat imminnut pulaarsinnaanerit ilanngullugit eqqarsaatigalugit inissitat ataatsimoortarfinnut isersinnaanerisa aqqissuunneqarnissaat isertitsiviup aammattaaq aalajangissavaa.

§ 7. Nalunaarut manna atuutilerpoq 1. januar 2010.

Kalaallit Nunaanni Pinerluuteqarsimasunik Isumaginniffik, ulloq 7. december 2009

THOMAS NICOLAISEN